

II - ARABAKO LURRALDE HISTORIKOAREN TOKI ADMINISTRAZIOA

ZURBAOKO ADMINISTRAZIO BATZARRA

Hutsa zuzentzea 2021eko apirilaren 16ko ALHAOn (41. zk.) argitaratutako iragarkian, zeina baita hilerriaren erabilera arautzen duen ordenantza behin betiko onesteari buruzkoa

Hutsak aurkitu dira hilerriaren erabilera arautzen duen ordenantza, Zurbanoko Kontzejuak 2021eko otsailaren 12an onetsia, behin betiko onesteari buruzko iragarkian (2021/1169 iragarkia, ALHAOn 41. zenbakian argitaratua, 2021eko apirilaren 16an). Hauexek dira kutsak: ez dira ordenantzaren eranskinak agertzen eta Azken Xedapenean jasotako ordenantzaren onespenean egiten duen aipamen okerra; izan ere, "Ordenantza hau 2021eko otsailaren 12ko bilkuran onetsi zuen Zurbaoko Kontzejuak, ALHAOn osorik argitaratu ondorengo egunean sartuko da indarrean eta indarrean jarraituko du harik eta aldatzea erabakitzen den arte" esan beharko luke honen ordeztu: "Zurbaoko Kontzejuak, 2021eko otsailaren 13ko bilkuran, behin betiko onetsi zuen ordenantza hau, ALHAOn osorik argitaratu ondorengo egunean sartuko da indarrean eta indarrean jarraituko du harik eta aldatzea erabakitzen den arte". Beraz, ordenantza oso-osorik argitaratzen da, aipatutako hutsak zuzenduta.

Zurbaio, 2021eko ekainaren 28a

Lehendakaria

FERNANDO MURILLO BARTOLOMÉ

Zurbaoko hilerriaren erabilera arautzen duen ordenantza

I. titulua

Xedapen orokorrak

1. artikulua. Zergatiak

Zurbaoko Kontzejuak hilerri zerbitzurako gune bat du, eta horretarako araudi erregulatzaileraz ezarri behar da, bai eta haren erabilerearen araberako tasak zehaztu ere.

2. artikulua. Hilerriaren jabetza

Kontzejua da Zurbaoko hilerriaren jabe bakarra, eta berari dagokio hilerriaren zuzendaritza, administrazioa, arautzea eta onik zaintzea, jabari eta zerbitzu publikoko ondasuna baita; hori guztia, ordenantza honetan adierazitakoari jarraituz, beste agintari edo erakunde batzuen be-rezko eskumenak direnetan izan ezik.

3. artikulua. Hilerriaren instalazioak

Zurbaoko hilerriak honako instalazio hauek ditu:

- 63 nitxo hilkutxetarako; aurrerantzean, nitxoak.
- 15 nitxo errauts urnetarako; aurrerantzean, kolunbarioak.

3. Ehorzlekuak lurperatzeetako; aurrerantzean, hilobiak.

4. Panteoi bat.

4. artikulua. Zurbaoko Kontzejuaren eskubideak eta betebeharrak

Zurbaoko Kontzejuari honakoak dagozkio:

1. Hilerria antolatzea, zaintzea eta egokitzea.

2. Erregistro bat izatea, non administrazio batzarrak egiten diren gorpuzki ateratze, lekualdatze eta errauts gordetzeak jasoko baititu, eguna, zenduaren izena edo gorpuzkien titularra eta nitxoa edo kolunbarioa zehaztuta.

3. Hilerraren barne araubidea.

4. Partikularrei baimena ematea hilerrian edozein motatako obrak edo instalazioak egiteko, bai eta haiek ikuskatzea ere, udal lizentzia eskatu behar den edo ez alde batera utzita.

5. Hilobien emakidak esleitzea eta edozein motatako hileta eskubideak aitortzea. Larrialdi egoeretan, administrazio batzarra bildu ondoren, baimena ematea errautsak edo gorpuzkiak ateratzeko, lekuz aldatzeko edo gordetzeko, ordenantza honetan jasota ez dauden egoeretan.

6. Ordenantza honetako I. Eranskinean ezarrita dauden eskubide eta tasak jasotzea.

7. Osasun eta higiene neurriak betetzea.

8. Hilerraren jabea eta erakunde publikoa den aldetik, bere gain hartu behar dituen bestelako zereginak.

5. artikulua. Erabiltzaileen eskubideak eta betebeharrak

Erabiltzaileei dagokie:

1. Gorpuzkiak era duin batean hilerrian gordetzeko eskubidea, bereizkeriarik egin gabe jaiotza, arraza, sexu edo erlijioagatik.

2. Partikularrek egingo dituzte eremuan egin beharreko lanak, hala nola, errautsak gordetzea, gorpuzkiak lurpetik ateratzea, lekuz aldatzea eta antzekoak.

3. Hilobiak, nitxoak edo kolunbarioak irekitzeko eta ixteko baliabide material egokiak izatea, behar izanez gero, zuzen itxita daudela ziurtatuz, betiere administrazio batzarrari eragiketaren arrazoiak justifikatuz abisua eman ondoren.

4. Hilobiak, nitxoak eta kolunbarioak behar bezala mantentzea, zaintza, estetika eta apaindura publikoaren aldetik, emakidaren esleipendunak diren bitartean.

5. Ordenantza honetan ezartzen diren zerbitzuak jasotzeagatik eskubideak edo tasak ordaintzea.

6. Bai Zurbaoko Kontzejuak bere eskumenez baliatuz ematen dituen xedapen guztiak, bai beste administrazio edo erakunde eskudunen batek hilotzen osasun betebeharrei buruz ematen dituenak, errespetatu eta betetzea.

II. titulua

Hileta eskubideak

6. artikulua. Hileta eskubideak

Zurbaoko Kontzejuak aitortu eta emango ditu hileta eskubideak, ordenantza honetan eta toki araubideko araudian xedatutakoaren arabera.

Hileta eskubideak hilobiak, nitxoak, kolunbarioak eta panteoiak erabili ahal izatea dakar, ez besterik. Horien jabea Zurbaoko Kontzejua baino ez da, ordenantza honetan ezarritakoarekin bat etorriz.

7. artikulua. Hileta eskubideen onuradunak

1. Zurbaoko Kontzejuak hileta eskubideak aitortu eta emango dizkie hiltzeko unean honako talde hauetakoren batean dauden pertsonen:

a) Zurbaoko herritarrak, hiltzen direnean udal erroldan inskribatuta daudenak.

b) Herriko auzokide erroldatu izandakoak eta erretiroko garaira arte bertan bizi izan direnak, baina adina, osasuna, familia eta gizarte arazoak tartean direlako bizitokia momentu horretatik aurrera aldatzen dutenak.

c) Zurbaoko hilerrian gorpuzkiak gordeta dituen hildakoaren familia unitate bereko lehen mailako senitartekoen (gurasoak, seme-alabak, ezkontidea, hildakoaren izatezko bikotekidea) errautes urnak utzi ahal izango dituzte nitxo edo kolunbario berean, aldeztatik administrazio batzarrari eskaera eginda eta ordenantza honetan errautes urnengatik ezarritako tasa ordainduz, eta kendu egiten beharko dira zerraldoa kendu behar den unean.

2. Aurreikuspen aseguru etxeak edo antzekoak ezin izango dira izan hileta eskubideen titularrak. Beraz, Zurbaoko Kontzejuaren aurrean ez dute ondorioz izango ituntzen dituzten polizen edo kontratuen klausulek, baldin eta asegurudunei hileta eskubidea ordaintzeko beharrezko kapitala emateko eskubideaz gainera beste eskubideren bat estali nahi badute.

8. artikulua. Hileta eskubideak iraungitzea

Honako kasu hauetan hileta eskubidea iraungitza joko da, eta Zurbaoko Kontzejuaren eskuetara bihurtuko da:

1. Nitxoak edo kolunbarioak zaindu ez eta utzita badaude eta konpontzeko edo egokitzeko emandako epeak betetzen ez badira.

2. Hileta eskubidea ordenantza honetan xedatutakoaren aurka erabiltzen bada.

3. Edonola ere, legeak eta ordenantza honek finkatzen duten aldi baterako emakida epea igarotzen bada.

4. Interesdunari kasuan kasuko tasak ordaintzeko eskatu arren, ordaintzen ez baditu.

5. Hileta eskubidea ordenantza honetan onartzen ez den beste norbaiti eskualdatzen bazaio.

6. Titularrak berariaz uko egiten badio.

Hileta eskubidearen epea amaitu dela adierazteak ezarritako emakida iraungitzea ekarriko du, eta ez da egongo kalte-ordainik jasotzeko eskubiderik.

9. artikulua. Hilobien, nitxoen, kolunbarioen eta panteoien emakida

Hileta eskubideen hartzaileek eskubidea izango dute nitxo bat, kolunbario bat edo panteoi bat eskuratzeko, baldintza hauen arabera:

1. Hilaketa bakoitzeko nitxo bat izateko eskubidea. Nitxoen esleipena II. eranskinean identifikatutako zenbaki hurrenkeraren arabera egingo zaie hiltzeko unean ordenantza honen 7. artikuluan jasotako kasuren batean dauden pertsonen.

2. Lehen mailako senideei (gurasoak, seme-alabak, ezkontidea, hildakoaren izatezko bikotekidea) kolunbarioa emateko eskubidea. Kolunbarioen esleipena II. eranskinean identifikatutako zenbaki hurrenkeraren arabera egingo zaie hiltzeko unean ordenantza honen 7. artikuluan jasotako kasuren batean dauden pertsonen.

3. Ez dago eskubiderik hilobi berriak emateko.

4. Panteoia, kontzeju honen barruan.

5. Debekatuta dago partikularrei lagatako hilobiak, nitxoak, kolunbarioak edo panteoiak saltzea edo eskualdatzea.

6. Hilobiak, nitxoak, kolunbarioak eta panteoiak erabiltzeko emakida 25 urterako izango da, eta kontzejuaren beharren arabera luzatu ahal izango da. Denbora hori igarotakoan, hilobiak, nitxoak eta kolunbarioak Zurbaoko Kontzejuak kudeatuko ditu, beharrezkoa izanez gero, administrazio batzarrak familiari jakinarazi ondoren. Kasu horretan, hildakoaren familiak kenduko ditu gorpuzkiak, baita errautsak ere, baldin eta senitartekoen nitxo edo kolunbarioetan badaude, ordenantza honen arau gisa.

10. artikulua. Tasak

Hileta unitateak erabiltzeagatik ordaindu beharreko tasak ordenantza honen I. eranskinean jasota daude. Tasa horien eguneratzeak edo bestelako aldaketak ordenantzaz aparteokoak izango dira, hau da, ez diete gainerako artikuluei eragingo.

III. titulua

Kudeaketa, administrazioa eta onik zaintzea

11. artikulua. Kudeaketa, administrazioa eta onik zaintzea

Kontzejuari dagokio hilerria kudeatzea, administratzea eta onik zaintzea.

12. artikulua. Hilerria kudeatzearen helburuak

Hilerriaren kudeaketan helburu hauek sartzen dira:

1. Kontzejuari dagokio hilerria administratzea, ordena zaintzea eta jagotea, garbitzea eta araudia betearaztea.

2. Gorpu edota gorpuzkien sartzek eta ateratzeak ikuskatzea, errautsak jasotzea eta hilotzen osasun arloan indarrean dagoen legeriak behartutako beste edozein jarduera.

3. Hilerriaren elementu, eraikin eta instalazio komunak zaindu eta garbitzeko lan eta zerbitzuak egitea, bai eta elementu horien funtzionamendurako lanak ere.

13. artikulua. Hilerriko elementuen erabilera

- Hilkutxetarako nitxoak erabiltzea. Hilkutxetarako nitxoak hormako edo obra egiturako zuloak dira, hilkutxa eta hildakoaren hilotza hartzeko balio dutenak.

Hilkutxetarako nitxoetan, hildakoen senideen errautsak dituzten urnak utzi ahal izango dira, nitxoan lehendik hilkutxa bat badago eta familiak errauts urna bat utzi nahi badu hildakoaren lehen mailako senide baten gorpuzkiekin (gurasoak, seme-alabak, ezkontidea, suaren unitate bereko izatezko bikotekidea).

- Kolunbarioen erabilera. Kolunbarioak hormako edo obra egiturako barrunbeak dira eta hildakoen errautsak dituzten urnak gordetzeko baino ez dira erabiliko. Kolunbario batean hildako bat badago, hildakoaren lehen mailako senideek ere erabili ahal izango dute (gurasoak, seme-alabak, ezkontidea eta izatezko bikotea) toki hori. Behetik gorako zenbakizko ordenan eta txikienetik handienera erabiliko dira, kolunbarioen eskuineko aldetik hasita, nitxoan planteamendu bera eginez.

- Hilobien erabilera. Hilobietan lehendik lurperatutako hilkutxak daude. Hilobietan ez da hilkutxa gehiagorik lurperatuko.

- Panteoia kontzejuko familia baten erabilerarako da.

• Hilketarako nitxoak edo kolunbarioak okupatzen diren unean, Zurbaoko Kontzejuak gorpuzkiak kentzeko eskatu ahal izango die hildakoen familiei, alde zuzenetik abisatuta. Eskaera hori hasierako hilketaren antzinatasunaren arabera egingo da, han dauden errauts urnak kontuan hartu gabe. Gorpuzkiak kentzeko lanak, hala dagokionean, hildakoaren familiek egin eta ordainduko dituzte.

14. artikulua. Hilerrian ordena zaintzea eta hilerria jagotea

1. Zurbaoko Kontzejuak hilerraren esparruan ordenari eutsiaraziko dio, eta bertako eginkizunak eskatzen duten begirunea exijituko du.

2. Kontzejuak hilerraren zaintza orokorra egingo du; hala ere, ez du bere gain hartuko instalazioetan, kolunbarioetan eta hilerrian jar daitezkeen gauzetan hirugarren batzuek egin ditzaketen lapurreten eta hondaketen erantzukizuna.

15. artikulua. Ehorzlekuak garbitzea eta haien mantentze lanak egitea

1. Norbanakoek garbitu, mantendu eta apainduko dituzte ehorzlekuak.

2. Lan horiek instalazioak errespetatuz egingo dira; jardunak amaitutakoan, bai ehorzlekua bai ingurua aurretik zeuden moduan utzi beharko dira, eta sortutako hondakinak, gaiak eta erabilitako lanabesak kendu egin beharko dira handik.

3. Partikularren batek bere ehorzlekua behar bezala zaintzen ez badu eta hondatuta baldin badago, eragindako eskubidearen titularrari egoera hori zuzentzeko eskatuko dio kontzejuak, eta, lanak ematen zaion epean egiten ez baditu, kontzejuak egin ahal izango ditu era subsidarioan, partikularren kontura.

16. artikulua. Hilerria garbitzea eta mantentze lanak egitea

Zurbaoko Kontzejuari dagokio hilerrian beharrezkoak diren lan materialak egitea, bai eta haien mantentze lanak eta garbiketa orokorrekoak ere, eta hura arduratuko da lanok antolatu eta ikuskatzeaz. Ez da Zurbaoko Kontzejuaren erantzukizuna izango, emakidadun partikularrena baizik, ehorzketa unitateak edo errauts gordelekuak garbitzea, mantentzea eta apaintzea.

17. artikulua. Hilobi plakak, inskripzioak eta ikurrak

Jartzen diren plakak eta hilobi ikurrak emakidadunarenak dira, eta haren kontura instalatu, konpondu eta zainduko dira. Emakidaduna beharturik dago, tokiak merezi duen begirunez, haiek zaintzera.

Nitxoetan eta kolunbarioetan jartzen diren inskripzioek eta oroipen plakek jarraian deskribatzen diren material, tamaina eta kolorekoak izan behar dituzte:

– Nitxoetako hilarriak, kanpo aldetik, marmol zurizkoak izango dira, eta 40 x 30 neurria izango dute gutxi gorabehera. Letrak beltzez grabatu eta tindatuko dira.

– Kolunbarioetako hilarriak, kanpo aldetik, marmol beltzezkoak izango dira, eta 40 x 30 neurria izango dute gutxi gorabehera. Letrak zuriz grabatu eta tindatuko dira.

18. artikulua. Nitxoak eta kolunbarioak identifikatzea

Ehorzketa eskubidea emateko eta hobeto identifikatzeko, hilobiak, kolunbarioak, nitxoak eta panteoiak hilerriko II. eranskinen planoan adieraziko dira.

19. artikulua. Eginkizun administratiboak eta teknikoak

Zurbaoko Kontzejuak, dagozkion helburuak betetzeko, administrazio eginkizun eta eginkizun teknikoak gauzatzeko ahalmena izango du eta bereziki jarraian zehazten diren hauek oso-osorik betetzeko:

1. Edozein motatako ehorzketa eskubideen lagapen, aitopen eta aldaketari buruzko espedienteak bideratu eta ebaztea, bai eta horien onuradunak izendatzea, eta eskubide horiei dagozkien tituluaren izapideak egin eta tituluak ematea ere.

2. Erraustak gordetzeko, eta gorpuzkiak ateratzeko, sartzeko eta lekuz aldatzeko. Zurbaoko Kontzejuaren baimen horrek ez du kentzen zeregin horietarako beharrezkoa den osasun arloko baimena eskuratu beharra, hala dagokionean.

3. Zurbaoko hilerriaren kudeaketari dagozkion helburuekin bat datorren beste edozein eginkizun, hala adostu eta gero.

Azken xedapena

Ordenantza hau 2021eko otsailaren 12ko bilkuran onetsi zuen Zurbaoko Kontzejuak, ALHAOn osorik argitaratu ondorengo egunean sartuko da indarrean eta indarrean jarraituko du harik eta aldatzea erabakitzen den arte.

Zurbao, 2021eko ekainaren 28a

Lehendakaria

FERNANDO MURILLO BARTOLOMÉ


I. eranskina**Tasak**

Zurbaoko hilerrian heriotza-unitateak 25 urtez erabiltzeari dagozkion tasak, honako hauek gordailutzeko:

— Hilobietan lurperaturiko hilkutzak	Aurrerantzean ez da lurperatzerik egingo
— Hilkutzak nitxoetan	200 euro hilkutxa bakoitzeko
— Errauts urnak nitxoetan	150 euro urna bakoitzeko
— Errauts urnak kolunbarioetan	150 euro urna bakoitzeko
— Hilkutak egungo panteoian	200 euro hilkutxa bakoitzeko
— Errauts urna panteoian	150 euro urna bakoitzeko

II. eranskina

Hilerriko instalazioen kokapenari buruzko plana



RELACIÓN DE NICHOS EN EL CEMENTERIO DE ZURBANO

63	60	57	54	51	48	45	42	39	36	33	30	27	24	21	18	15	12	9	6	3
62	59	56	53	50	47	44	41	38	35	32	29	26	23	20	17	14	11	8	5	2
61	58	55	52	49	46	43	40	37	34	31	28	25	22	19	16	13	10	7	4	1

RELACIÓN DE COLUMBARIOS EN EL CEMENTERIO DE ZURBANO

15	10	5
14	9	4
13	8	3
12	7	2
11	6	1